

本书出版得到国家古籍整理出版专项经费资助

清代吏治史料

綏蒙書局

官员管理史料三

清代吏治史料

綫裝書局



經筵講官戶部侍郎署理山東巡撫卹務臣塞楞額謹

題為病軀難以供職等事該臣看得費縣知縣汪泗民患病乞休據布政使張保詳稱委官鄒城縣知縣李悌驗看得費縣知縣汪泗民染患瘋症延醫調治不痊實難供職取有驗看官結呈詳前來相應

題請准其休致員缺另聽銓選除結送部外理合具

題伏祈

皇上勅部議覆施行謹題請

旨雍正四年十一月二十日題十二月初五日奉

旨吏部議奏

護理山西巡撫印務布政使司布政使臣高成齡謹

題為報明知縣病故事該臣看得右玉縣知縣楊煥偶感傷寒病症醫治不痊于
雍正四年十一月初十日病故茲據布政使高成齡詳報前來除繕另送外謹
題請

旨雍正四年十一月二十一日題十二月初五日奉

旨吏部知道

太子少傅世襲三公拜他喇布勒哈當兵部尚書兼都察院右都御史四川陝西總督署理陝西巡撫事務臣岳鍾琪謹

題為報明家主病故事該臣看得榆林同知王霸親父原任河南當河道王進楫于雍正四年四月十九日在京病故該員于本年九月二十五日在任聞訃例應丁憂令據布政使張廷棟呈報前來除該員同堂自供各結俟查取至日送部外謹題請

旨雍正四年十月十八日題十二月初五日奉

旨吏部知道

吏部尚書內務府總管協理兵部尚書李臣查彌納等謹

題為欽奉

上諭事該臣等議得雍正四年十一月初一日起至十五日止所有應入彙題告假遷葬之案

二件告病之案一件終養之案一件乞休之案五件更名之案一件共十件除應開缺者即行開缺外相應開列彙

題俟

命下之日臣部遵奉施行臣等未敢擅便謹

題請

旨

計開

一件為告假事據內閣典籍廳移稱本衙門典籍鄧廷結呈稱職母尹氏權厝淺土歷年已久懇請循例遷葬取有廣東同鄉官戶部福建司主事倫之常結

相應移會等因前來

查定例內京官有遷葬者歷俸五年以上准去

等語今內閣典籍鄧廷詰歷俸五年以上應准其給假回籍遷葬在家許住四個月外廣東省往返路程定限十個月假滿人文到部銷假

一件為告假事據內閣典籍廳移稱本衙門撰文中書舍人蔡大受呈稱竊大受親樞尚未安土竊思循例遷葬取有福建同鄉京官戶部江南司員外郎王璋印結相應移會等因前來 查定例內京官有遷葬者歷俸五年以上准去等語今中書舍人蔡大受歷俸五年以上應准其給假回籍遷葬在家許住四個月外福建省往返路程定限十個月假滿人文到部銷假

一件為告病事准翰林院咨稱本衙門編修謝道承呈稱現患風痰之症兩足不能履地醫治未痊呈請回籍調理隨委孔目額慕國驗看患病是實取有福建同鄉京官禮部員外郎朱謨印結相應移咨等因前來 查編修謝道承既經翰林院查明患病是實相應照例准其回籍調理

一件為終養事准翰林院咨稱本衙門編修何玉梁呈稱嫡母張氏現年七十七

歲衰老多病戶內別無次丁呈請終養取有浙江同鄉京官行人司行人蔣祝印結相應移咨等因前來 查定例官員父母年七十以上子男俱在任在外戶內別無次丁者准其終養等語合編修何玉梁請終養事與例相符應准其離任回籍終養

一件為乞休事准安徽巡撫魏廷珍疏稱望江縣知縣賀方來年已六十九歲耳聾目昏難以供職呈請休致隨委宿松縣知縣魯曾驗看是實出具印結相應具題等因前來 查定例外官告病者准其休致等語應將望江縣知縣賀方來照例准其休致

一件為乞休事准四川調任巡撫法敏疏稱成都府知府王瞻染患腸疾復添怔忡頭目昏暈手足麻木難以供職呈請休致隨委嘉定州知州陸錦驗看是實出具印結相應具題等因前來 查定例外官告病者准其休致等語應將成都府知府王瞻照例准其休致

一件為乞休事准四川調任巡撫法敏疏稱烏蒙土府教授令陞江西新喻

縣知縣黃雲斐年老氣虛染患健忘之症實難供職呈請休致隨委鎮雄
土府教授徐高驗看是實出具印結相應具題等因前來 查定例外
官告病者准其休致等語應將烏蒙土府教授今陞江西新喻縣知縣黃雲
斐照例准其休致

一件為乞休事准四川調任巡撫法敏疏稱我眉縣知縣王芬露染患怔忡
左足麻木步履維艱難以供職呈請休致隨委署洪雅縣知縣董元會驗
看是實出具印結相應具題等因前來 查定例外官告病者准其休致
等語應將我眉縣知縣王芬露照例准其休致

一件為乞休事准廣西巡撫甘汝來疏稱馬平縣知縣楊為楫氣血兩虛心
神恍惚醫治不痊難以供職呈請休致隨委懷遠縣知縣王景猷驗看是實
出具印結相應具題等因前來 查定例外官告病者准其休致等語
應將馬平縣知縣楊為楫照例准其休致

一件為更名事據內閣典籍廳移稱本衙門中書傳敏呈稱我係隸紅旗滿

洲都統滿都立佐領下人我名與大人之名相同乞將我名改為傅爾泰等
因移咨前來 查內閣典籍廳既稱傅敏之名與大人之名相同應准其
改名為傅爾泰

雍正四年十二月初四日題初六日奉

旨依議

經筵講官戶部侍郎署理山東巡撫卹務臣塞楞額謹

題為據實揭報事該臣看得州縣經徵丁地錢糧例應花戶自封投櫃並嚴察胥役不得舞弊作奸據布政使張保詳稱查萊陽縣額徵丁地錢糧自康熙五十八年起至雍正元年止該縣冊報未完民欠共銀五萬四千五百三十三兩三錢八分奉文分作八年帶徵又雍正二三年冊報未完銀六千五百九十九兩七分零勒限嚴催徵解不前檄委蓬萊縣知縣楊一正文登縣知縣王一菱親往各鄉查明該縣知縣連雲經徵康熙六十一年民欠數內少銀一千九百四兩九錢零稱係原署司程光珠扣過大加壹銀二千兩又歷年民欠內少銀三萬二百三十四兩八錢九分零係單頭櫃書私收侵蝕捏稱民欠取有櫃書單頭認狀在卷但連雲到任三年漫無覺察致使單頭櫃書私收花戶錢糧三萬有奇其中恐有代認掩飾情弊將萊陽縣知縣連雲詳請參追至雍正四年錢糧亦徵解不前有無已完作欠見在細查另文詳報再連雲不將單頭禁革以致私收侵蝕且奉文分作八年帶徵錢糧

並不稽查任聽單頭櫃書私收混作民欠造報其昏庸溺職咎寔難追至應徵錢糧不許巧立名色久經嚴禁登州府知府蔡曰逢雖將單頭私收之處自行查出揭報但從前不將單頭查革咎亦難辭應請一併附叅等情據該司詳報前來除批飭是否代認掩飾并此外有無已完作欠情弊及原署司程先珠扣過大加一銀兩之處一併查明另報外似此昏庸溺職之員斷難姑容民上所當據實糾叅請

旨將萊陽縣知縣連雲革職與單頭櫃書人等一併嚴審究追至登州府知府蔡曰逢雖將單頭私收之處自行查出揭報但從前失于查革咎亦難辭相應一併附叅理合具

題伏祈

皇上勅部議覆施行謹題請

旨雍正四年十月十八日題十二月初六日奉

旨這所叅連雲著革職其私收侵蝕情由及單頭櫃書人等該撫一併嚴審究追具奏蔡曰逢著察議具奏該部知道

經筵講官戶部侍郎署理山東巡撫印務臣塞楞額謹

題為年邁乞休事該臣看得觀城縣知縣趙兩年邁乞休據布政使張保詳稱委官濮州知州翁是揆驗看得觀城縣知縣趙兩實年七十歲精神東僉步履維艱難以供職取有驗看各印結呈詳前未相應

題請准其休致員缺另聽銓選除印結送部外理合具

題伏祈

皇上勅部議覆施行謹題請

光緒三十四年十一月十八日題立月初六日奉

旨吏部議奏

巡撫湖南等處地方提督軍務兼理糧餉都察院右副都御史臣布蘭泰謹
題為特揭不職等事該臣看得益陽縣秦萃病故知縣江成湘鄉縣草戠知
縣秦柳重徵濫派減則銀兩二案前因與湘陰等縣減則重徵實同一事請俟
王之斌到楚之日計限審結等因經臣咨准部覆飭令遵照去後茲據按察
使何錫祿等會詳稱江成秦柳二案雖經先後

題奏發審實與湘陰等縣減則重徵一例之案也其徵收部費銀兩俱已于據詳
題秦萃等案內審明于前院司道名下追結毋庸分案審結但秦柳尚有捏造
民欠之虞未經審明仍飭確審詳結外所有益陽縣秦萃病故知縣江成之
案相應會詳請

題銷案等因前來臣覆查無異除秦柳捏造民欠之虞飭令確審詳報外理合
題請銷案謹會題請

光緒四年十一月初四日題十二月初六日奉

旨該部審議具奏

巡撫貴州兼理湖北川東等處地方提督軍務兼都察院右僉都御史加一級臣何世璠謹

題為欽奉

上諭奉該臣看得阿其那居心陰險行事奸柔聯結黨援希圖非望當

聖祖仁皇帝時狂悖忤逆怨望恣睢忘教有之深恩逞誦詐之奸計不忠不孝之罪業已無可解免我

皇上御極以來不加誅殛曲賜保全晉以親王委以部務與其自新無所不至有人心定宜感激悔悟竭廢圖報乃阿其那怙終不悛奸回如故邪謀秘計禁竹難宣覆載不容神人共憤執而誅之誰曰不宜乃

皇上垂念同氣惻憫咨嗟時溷于諄切

誥諭之外茲又因塞思黑已伏冥誅欲將阿其那從寬曲宥遍詢臣工仰見

皇上以不得已之苦衷俾臣民之共喻至誠惻怛昭布兩間但臣思阿其那罪大惡極

雖

聖主加無已之恩而赦其罪而律以人臣大義恐難姑容臣又緬維書史推論前鑒積惡者必降殃作孽者定難逭而阿其邪之居心行事早已自絕于神明國屬國憲所難寬諒亦天譴所必及臣不勝激切感憤之至謹恭疏具

題伏乞

皇上睿鑒施行謹具奏

聞雍正四年十月二十四日題十二月初六日奉

旨該部知道